

ქ. ქობულეთი

ერთი მხრივ, ქობულეთის მუნიციპალიტეტი (შემდგომში „შემსყიდველი“) წარმოდგენილი ქობულეთის მუნიციპალიტეტის გამგებლის სულხან ევგენიძის სახით და მეორეს მხრივ შპს „პსპ ფარმა“ (შემდგომში „მიმწოდებელი“), წარმოდგენილი მისი დირექტორის გოჩა გოგილაშვილის სახით, სახელმწიფო შესყიდვის შესახებ საქართველოს კანონის მე-3 მუხლის, პირველი პუნქტის „რ“ ქვეპუნქტის და შპს „პსპ ფარმა“-ს სატენდერო წინადადების საფუძველზე, გამარტივებული ელექტრონული ტენდერის (NAT160004550) ჩატარების შედეგად, დებენ წინამდებარე ხელშეკრულებას შემდეგზე:

1. ხელშეკრულებაში გამოყენებულ ტერმინთა განმარტებები

- 1.1. „ხელშეკრულება სახელმწიფო შესყიდვის შესახებ“ (შემდგომში – „ხელშეკრულება“) – შემსყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით.
- 1.2. „ხელშეკრულების ღირებულება“ – საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
- 1.3. „დღე“, „კვირა“, „თვე“ – კალენდარული დღე, კვირა, თვე.
- 1.4. „შემსყიდველი“ – ორგანიზაცია, რომელიც ახორციელებს შესყიდვას.
- 1.5. „მიმწოდებელი“ – პირი, რომელიც ახორციელებს საქონლის მიწოდებას ხელშეკრულების ფარგლებში.
- 1.6. „საქონელი“ – ხელშეკრულების მე-2 მუხლით გათვალისწინებული ხელშეკრულების საგანი.

2. ხელშეკრულების საგანი

- 2.1 ქობულეთის მუნიციპალიტეტის ტერიტორიაზე „ქრონიკულად პროგრესირებადი დაავადებების მედიკამენტოზური დახმარების პროგრამის“ ფარგლებში, ეპილეფსიის საწინააღმდეგო მედიკამენტების შესყიდვა (შემდგომში „საქონელი“) (CPV 33661300 - ეპილეფსიის საწინააღმდეგო საშუალებები).
- 2.2 შესყიდვის ობიექტის ზუსტი დასახელება, რაოდენობა და ერთეულის ფასი მოცემულია ფასების ცხრილში (დანართი N1-ში), რომელიც წარმოადგენს ამ ხელშეკრულების განუყოფელ ნაწილს.

3. ხელშეკრულების ღირებულება

- 3.1. ხელშეკრულების ჯამური ღირებულება შეადგენს **43 871.87** (ორმოცდასამიას რვაასსამოცდათერთმეტი ლარი და ოთხმოცდაშვიდი თეთრი) ლარს.
- 3.2. ხელშეკრულების ჯამური ღირებულება მოიცავს ხელშეკრულებით გათვალისწინებული საქონლის მიწოდებასთან დაკავშირებულ მიმწოდებლის ყველა ხარჯს და საქართველოს კანონმდებლობით გათვალისწინებულ შესაბამის გადასახადებს.

4. ანგარიშსწორების ფორმა და ვადები

- 4.1 ანგარიშსწორების ფორმა - უნაღდო, ვალუტა - ლარი;
- 4.2 ანგარიშსწორება მიმწოდებელთან განხორციელდება ეტაპობრივად, მიღება-ჩაბარების აქტის გაფორმებისა და სასაქონლო ზედნადების წარმოდგენის შემდეგ 10 (ათი) სამუშაო დღის განმავლობაში;
- გ) საავანსო ანგარიშსწორება არ გამოიყენება.

5. მიღება-ჩაბარების წესი

- 5.1 საქონლის მიღება-ჩაბარება ხორციელდება წინამდებარე ხელშეკრულებაზე თანდართული ფასების ცხრილისა და მუნიციპალიტეტის გამგებლის უფლებამოსილი პირის მიმართვის შესაბამისად, მოწოდებული მედიკამენტების საფუძველზე.
- 5.2 მიღება ჩაბარებას ახორციელებს ქობულეთის მუნიციპალიტეტის გამგებლის ჯანმრთელობისა და სოციალური დაცვის სამსახურის უფროსი, რომელიც აფორმებს შესაბამის აქტს ხარისხისა და რაოდენობის მიხედვით.
- 5.3 საქონლის მიწოდების პროცესში მიღება-ჩაბარების აქტის გაფორმებამდე გამოვლენილი ხარვეზების შესახებ, შემსყიდველი ვალდებულია ოპერატიულად, წერილობითი სახით, აცნობოს მიმწოდებელს.

6. საქონლის მიწოდების ადგილი და ვადა

- 6.1 საქონლის მიწოდება განხორციელდება ქ. ქობულეთში, დ. აღმაშენებლის გამზ. N159-ში მდებარე შპს „პსპ ფარმა“-ს ავთიაქიდან, სადაც სასაქონლო ზედნადებისა და მიღება-ჩაბარების აქტის გაფორმების მომენტიდან შემსყიდველზე გადადის საკუთრების უფლება.
- 6.2 მედიკამენტების გაცემა უნდა იწარმოოს 2017 წლის 01 იანვრიდან 2017 წლის 31 დეკემბრის ჩათვლით, მუნიციპალიტეტის გამგებლის უფლებამოსილი პირის მიმართვის შესაბამისად.

7. მხარეთა უფლება-მოვალეობანი

- 7.1. შემსყიდველი უფლებამოსილია:

ა) მიღება-ჩაბარების აქტის გაფორმებამდე განახორციელოს მიმწოდებლის მიერ ნაკისრი ვალდებულებების შესრულებისა და ხარისხის ინსპექტირება;



7.2. შემსყიდველი ვალდებულია:

ა) უზრუნველყოს მიმწოდებლის მიერ მოწოდებული საქონლის ღირებულების ანაზღაურება ხელშეკრულებით გათვალისწინებული ვადებისა და პირობების დაცვით;

7.3. მიმწოდებელი უფლებამოსილია:

ა) მოსთხოვოს შემსყიდველს მოწოდებული საქონლის ანაზღაურება ხელშეკრულებით გათვალისწინებული ვადებისა და პირობების დაცვით.

7.4. მიმწოდებელი ვალდებულია:

ა) მედიკამენტების გაცემა განხორციელოს მოთხოვნისთანავე, ქობულეთის მუნიციპალიტეტის გამგეობის უფლებამოსილი პირის მიმართვის საფუძველზე;

ბ) შეუფერხებლად მიაწოდოს მედიკამენტები წინამდებარე ხელშეკრულების გაფორმებიდან 2017 წლის 01 იანვრიდან 2017 წლის 31 დეკემბრის ჩათვლით, მუნიციპალიტეტის გამგეობის უფლებამოსილი პირის მოთხოვნის შესაბამისად, თანახმად ხელშეკრულებაზე თანდართული დანართი N1-სა.

8. ხელშეკრულებით ნაკისრი ვალდებულებების შესრულების კონტროლი (ინსპექტირება)

8.1. ხელშეკრულებით ნაკისრი ვალდებულებების შესრულების ინსპექტირებას განხორციელებს ქობულეთის მუნიციპალიტეტის გამგეობის ჯანმრთელობისა და სოციალური დაცვის სამსახურის უფროსი.

8.2. ინსპექტირება გულისხმობს მიმწოდებლის მიერ ხელშეკრულების პირობების შესრულების, აგრეთვე მოწოდებული საქონლის ხარისხის კონტროლს მიღება-ჩაბარების აქტის გაფორმებამდე.

8.3. მიღება-ჩაბარების აქტის გაფორმებამდე გამოვლენილი ყველა ხარვეზის ან ნაკლის აღმოფხვრასთან დაკავშირებული ხარჯების ანაზღაურება ეკისრება მიმწოდებელს საქართველოს კანონმდებლობით დადგენილი წესით.

9. პირგასამტეხლო ხელშეკრულების პირობების შეუსრულებლობისათვის

9.1 ხელშეკრულებით ნაკისრი ვალდებულებების დაგვიანებით შესრულების შემთხვევაში, ყოველ დაგვიანებულ დღისათვის მიმწოდებელს ეკისრება პირგასამტეხლო ხელშეკრულების ფასის 0,1% პროცენტის ოდენობით.

9.2 იმ შემთხვევაში თუ შემსყიდველი გადააცილების ანგარიშსწორების ვადებს მიმწოდებელი უფლებამოსილია მოითხოვოს და ასეთ შემთხვევაში შემსყიდველი ვალდებულია გადაიხადოს პირგასამტეხლო ყოველ ვადაგადაცილებულ დღეზე გადაუხდელი თანხის 0,1%-ის ოდენობით.

9.3 იმ შემთხვევაში, თუ ვადის გადაცდენისათვის დაკისრებული პირგასამტეხლოს ჯამური თანხა გადააჭარბებს ხელშეკრულების ფასის 1% პროცენტს, შემსყიდველს უფლება აქვს შეწყვიტოს ხელშეკრულება.

9.4 საჯარიმო სანქციების გადახდა არ ათავისუფლებს მიმწოდებელს ძირითადი ვალდებულებების შესრულებისაგან;

9.5 ხელშეკრულებით ნაკისრი ვალდებულებების შეუსრულებლობის ან არაჯეროვნად შესრულებისათვის ხელშეკრულების შეწყვეტის შემთხვევაში მიმწოდებელს ეკისრება პირგასამტეხლო ხელშეკრულების საერთო ღირებულების 5%-ის ოდენობით.

10. ხელშეკრულებაში ცვლილების შეტანა და ხელშეკრულების შეწყვეტა

10.1. ხელშეკრულებაში ნებისმიერი ცვლილების, დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე.

10.2. ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისთვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.

10.3. საქართველოს სამოქალაქო კოდექსის 398-ე მუხლით გათვალისწინებული გარემოებების დადგომის შემთხვევაში, ხელშეკრულების ჯამური ღირებულების გაზრდა დაუშვებელია ხელშეკრულების ღირებულების 10%-ზე მეტი ოდენობით.

10.4. ხელშეკრულების ერთ-ერთი მხარის მიერ ხელშეკრულების პირობების შეუსრულებლობის შემთხვევაში მეორე მხარე უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ.

10.5. მხარე ვალდებულია 10.4 პუნქტით გათვალისწინებულ გადაწყვეტილების მიღების განზრახვის შესახებ არანაკლებ 5 კალენდარული დღით ადრე წერილობით ან კომუნიკაციის ელექტრონული საშუალებების გამოყენებით შეატყობინოს მეორე მხარეს.

10.6. ხელშეკრულება ასევე შეიძლება შეწყდეს მხარეთა ინიციატივით, ურთიერთშეთანხმების საფუძველზე.

11. დაუძლეველი ძალა

11.1 მხარეები თავისუფლდებიან ხელშეკრულებით განსაზღვრული ვალდებულებების შეუსრულებლობით გამოწვეული პასუხისმგებლობისაგან, თუ აღნიშნული გამოწვეულია დაუძლეველი ძალის ზეგავლენით. აღნიშნულის არსებობის შემთხვევაში, მხარე ვალდებულია აცნობოს მეორე მხარეს ნაკისრი ვალდებულებების



შესრულების შეუძლებლობის შესახებ.

11.2 თუ ერთ-ერთი მხარე დაუძლეველი ძალის გამო ვერ ასრულებს ნაკისრ ვალდებულებებს, იგი ვალდებულია დაუყოვნებლივ, მაგრამ არაუგვიანეს მომდევნო კალენდარული დღისა აცნობოს მეორე მხარეს მათი დადგომის ან/და დასრულების შესახებ. წინააღმდეგ შემთხვევაში, შესაბამისი მხარე არ გათავისუფლდება ნაკისრი ვალდებულებებისაგან;

11.3 მხარეთა პასუხისმგებლობა და ვალდებულებები განახლდება დაუძლეველი ძალის მოქმედების დასრულებისთანავე.

12. დავები და მათი გადაწყვეტის წესი

12.1 ხელშეკრულების მოქმედების პერიოდში წამოჭრილი ყველა დავა გადაიჭრება ურთიერთშეთანხმების გზით. შეთანხმების მიუღწევლობის შემთხვევაში, დავის გადასაწყვეტად მხარეები უფლებამოსილნი არიან მიმართონ სასამართლოს საქართველოს მოქმედი კანონმდებლობის შესაბამისად.

13. ხელშეკრულების მოქმედების ვადა

ხელშეკრულება ძალაში შედის ხელმოწერისთანავე და მოქმედებს 2018 წლის 31 იანვარის ჩათვლით.

14. „შემსყიდველი“-ს იურიდიული მისამართი და რეკვიზიტები

14.1 „შემსყიდველი“-ს მისამართი: ქ. ქობულეთი, დავით აღმაშენებლის გამზირი #141;

14.2 „შემსყიდველი“-ს საიდენტიფიკაციო კოდი 247001890;

14.3 „შემსყიდველი“-ს ქობულეთის მუნიციპალიტეტი.

15. „მიმწოდებელი“-ს იურიდიული მისამართი და რეკვიზიტები

15.1 „მიმწოდებელი“-ს მისამართი: ქ. თბილისი, დ. აღმაშენებლის №148/III;

15.2 „მიმწოდებელი“-ს საბანკო რეკვიზიტები: ს.ს. „ბანკი რესპუბლიკა“, ბანკის კოდი REPLGE22, ა/ა GE30BR0000010228710698, საიდენტიფიკაციო კოდი 202203123;

15.3 „მიმწოდებელი“-ს შპს „პსპ ფარმა“


„შემსყიდველი“-ს ქობულეთის მუნიციპალიტეტი,
გამგებელი



სულხან ევგენიძე

„მიმწოდებელი“-ს შპს „პსპ აფთიაქი“
დირექტორი

გოჩა გოგილაშვილი



„პსპ-ფარმა“
საქართველო
202203123
"PSP-Pharma"
GEORGIA

ფასების ცხრილი

№	მედიკამენტის დასახელება	გაწარმოებულა	მედიკამენტების რაოდენობა	ერთეულის ფასი	სულ ღირებულება	წარმოშობის ქვეყანა	მწარმოებელი კომპანია
ეპილეფსიითა და მეორადი ეპილეფსიური სინდრომით დაავადებულთა მედიკამენტოზური დახმარება							
1	დეპაკინი ენტ. ტაბ. 300 მგ N100	კოლოფი	70	45.65	3195.45	საფრანგეთი	Sanofi (France)
2	დეპაკინი ხრონო ტაბ. 300მგ N100	კოლოფი	30	25.85	775.50	საფრანგეთი	Sanofi (France)
3	ვალპროიდ ქრონო ტაბ. 500მგ N100	კოლოფი	302	20	6040.79	ინდოეთი	Micro Labs
4	დეპაკინი სიროფი 8,65/150 მლ	ფლაკონი	100	15.49	1549.00	საფრანგეთი	Unither Liquid Manufacturing
5	ნეიროლოფესინი ტაბ. 200მგ N50 GMP	კოლოფი	1100	4.05	4455.00	საქართველო	GMP
6	ნეიროლოფესინი ტაბ. 400 მგ N50 GMP	კოლოფი	280	5.68	1590.40	საქართველო	GMP
7	ეპიქსი ტაბ. 500 მგ N50	კოლოფი	504	31.05	15649.20	თურქეთი	Abdi Ibrahim
8	ლამიქტალი ტაბ. 25 მგ N30	კოლოფი	134	12.1	1621.36	პოლონეთი	GlaxoSmithkline (pol)
9	ლამიქტალი ტაბ. 100 მგ N30	კოლოფი	260	34.6	8995.17	პოლონეთი	GlaxoSmithkline (pol)
ჯამი					43,871.87		

შპს „პსპ ფარმა“-ს დირექტორი

გოჩა გოგილაშვილი



„პსპ-ფარმა“
საქართველოს ტერიტორიაზე
202203123
"PSP-Pharma"
GEORGIA